

太上總真祕要卷之十

對十

太上助國救民總真祕要卷之十 對十

洞幽法師元妙宗編

上清北極驅邪院行遣公文式

按法科凡有事端關牒靈祇申奏

神真最為綱要文式典則不可不備今以

應係合用行遣之式修定開列貴無闕悞

云耳凡因事應合行遣文字此更不一一具載如有不備者並比類格式隨意

敘事發用施行

傳法人投狀式

某州縣村郭坊市弟子姓某

右某謹齋法信開是何物色罄竭精誠投詣

上清法師某乙門下誓願乞傳授

北極天心正法一部志願助

天行化佐國救民治病扶危斷絕邪魔行持  
已後並依師指不敢妄傳非道之士及恃此

對十

違昧

大道稍敢有違乞先滅一身後罪七祖乞申

奏

七元高真

東嶽聖帝乞賜

慈念許與傳授謹狀

某年月 日具位姓某

狀

諸應弟子求保舉師狀式

某州縣鄉坊村里保姓某

右某昨於某年月日具辭躬詣

上清法師某人門下求授

天心正法一部志願助

天行化佐國救民治病扶危斷絕邪崇已蒙  
許賜剋日奏名奉命依法訪尋有道名師保  
舉傳授竊念某生身幸處於中華存心久棲

於象外尋師屢訪於知己傾誠始遇於  
明人比者伏惟

某門下得法至精興揚

大道救民及物拯濟殊深某謹投

門下願求保舉儻蒙

對十

二

收錄則某敢不堅心剋志鏤骨銘骸至願修  
行上報提拔之賜不勝幸甚謹具狀告

聞伏候

法旨

國號某年月 日具位姓某

狀

諸應弟子投師傳法辭式

某州縣鄉坊村里保姓名

右某本命年月日時生所屬

北斗某星君謹齋金九兩金銀一對命素一端以代質信青絲四兩以代剪髮丹砂七兩

以代軟血棒詣

法師某人門下求授

天心正法意欲助

天行化爲國救民以某竊觀浮世之數常憂

危脆之身愧除害以不能冀興利而無術操

修既怠惶恐且深豈期多劫而來以罄今辰  
之會伏聞

某人不掩玄都之路特揚

太上之風抱行持一法之心增光道教垂拔  
度群生之手對下打破塵籠厥持枯朽之根上三賴

栽培之力其於行已豈敢爲非苟忘教育之  
恩甘受沈淪之苦輪迴得度竭志奉修元運  
相逢盡心報答伏望

某人大開慈造少鑒微誠塵瀆之辭乞垂

憫念下情無任望恩之至謹辭

國號年月日

法師為弟子啓表款式

具法師全銜臣姓名

右臣今據某州縣坊郭弟之某乙投狀陳述  
及齋法信之儀詣臣門下乞傳授

北極天心止法志願助

天行化佐國安民救病濟苦斷絕邪魔行持  
已後並依師指不敢妄傳非道之人及恃此  
違昧

大道稍若不依此言甘當先滅一身及罪七



祖乞申奏外依格傳授者已已審詳其人實  
謂稟性純素守善存心每崇奉於

高真常歸依於

大道頗有救民之志願欲傳授正法及三光  
北斗天剛大聖真武黑殺天符臣乞收補其

乙充其官并

呈奏

北極驅邪院印式及給付符文訣目依格付  
度臣今未敢專擅謹先具臆錄事狀奏

聞伏乞

太清大帝

祖師上清大帝

玉清上帝特降

勅命指揮泰山所屬給遣符符兵吏付某乙  
院內佐助道法乞賜

對十

聖慈許臣傳授依法付度以期報應冒黷

天聰臣誠惶誠恐稽首頓首謹奏

某年月 日具法師全銜臣姓名 狀奏

奏表關引式

北極驅邪院關某日當直功曹使者

本月某日時發奏狀一通紙角封印皮簡  
重封全赴

天樞院通落者

右今關付某日當直功曹使者准此

指揮疾速依例傳遞前去通落在路不得稽  
遲損汙揩磨封頭不明一切不虞罪不輕恕  
無致慢易不得有違故關

某年月日時關

都天大法主判北極驅邪院事

押

申泰山狀式

都天統攝邪魔歸正具全銜姓名

當院本月某日據某州縣坊郭弟子某乙  
齋心信投告當院乞傳授

北極天心正法輔正驅邪佐

天行化救民疾苦斷絕鬼崇志願行持者

對十

五

右某已先具錄事狀聞奏

上帝并收補某乙充某官仍給付符文訣目  
及驅邪院印式依格傳度行去訖謹具申  
東嶽天齊仁聖帝伏乞

聖聰俯賜

指揮通行告示三界內城隍大王并所隸正  
法曾用官典按分及五嶽四瀆名山大川宮  
觀里社山川靈澤一切神明豫令知委某乙  
授法領職後來或爲人治病除邪切須佐助  
道法收捕鬼祟無縱慢易并乞依例抽差神  
通廣大威猛神將二員神兵一千人發遣往  
新授法職某乙院內統轄助法指使其某乙  
合用都天大法主印及本人親書花押某乙  
給付行使去訖今頭連印文一本在前伏乞  
照會其印文即不與諸處符印相同修其文

篆一歸真道此去某人應有申報狀牒文字  
伏望

驗認印文施行所貴不致僞冒謹狀

某年月 日具位姓名

狀

凡申泰山狀發引式

北極驅邪院

今月某日時發實封申狀一紙角往

東嶽天齊仁聖帝御前通落者

右出引付泰山沿路土地速疾齋前件文字

迤相轉送前去通落不得稍有住滯揩擦損

汗踈虞如違罪有所歸必定根究施行的無  
輕恕

某年月日時引

北極驅邪院使

凡奏表申天樞院狀式

對十

六

北極驅邪院

今月某日發實封奏狀一通為某州縣鄉  
坊某乙某事須至申上者

右件奏文候到日乞不以諸處章表為類伏  
望徑為通



押

奏謹具狀申

天樞院謹狀

某年月日具位姓名

狀

祈雨奏狀式

具法師全銜臣姓某

右臣據某州縣某乙陳狀為某處苗稼乾  
損舉家骨肉曉夕憂惶供輸官中租賦浩  
大無從出納一家良賤恐懼饑荒患難性  
命不存乞行救濟臣已即時審察委於甚

年內內闕雨至今入事伏望





祖師上清大帝

太清大帝

玉清上帝聖慈特依臣所奏乞賜

勅旨下所屬委六丁六甲雷公電母風伯  
雨師天丁力士五方龍王速為行布雨澤

救濟民苦臣已於某處起建淨醮以祈報

應謹錄狀奏

聞謹奏

某年月 日具位全銜臣姓名 狀奏

牒雨部式

北極驅邪院

牒雲雷雨部六丁六甲神衆

如逐位行  
牒為佳也

當院據

某人狀一  
式節略事宜

須專行遣者

牒具如前當院已具事因聞奏

上帝及於某處啓建醮筵祈乞報應外今請

雲雷雨部六丁六甲神衆速於本地分大降

雨澤普濟民田救接苗稼無令損傷人命幸

不住滯謹牒

某年某月某日牒

具法師全銜姓

押

治伏屍邪魅所撓劄子式

北極驅邪院

某處某乙患某事今仰起遣本人家自前伏  
屍客亡山邪鬼魅古竈土壠及先死伏屍傳  
屍山精木客社廟獵神一切爲禍患崇速離  
本人家舍任便往別處棲止即不得准前在  
此別致禍患侵害生民速令患人魂魄附身  
所病消散如受此

指揮後依前容令作崇其應干神吏等並與  
邪祟鬼一例重行黜責關報

東嶽永失生路

右劄付某乙家所屬司命五道土地社廟  
等處神吏准此

某年月日

押

治時瘟疫癘劄子式

對十

北極驅邪院

某處某乙家患時疫病作深恐損傷人命仰  
行瘟使臣立便收攝某乙家患人今日巳前  
身中八萬四千真神并五臟六腑神君及蕩  
散某乙自前所受毒藥毒炁各令三魂七魄

歸體平復如常應是邪魔速離本人家舍無  
令更有留滯或本人家中合有命終之人明  
係天司勾滅仰具刺狀開破仍直申當完  
照會若係命終之人天司切要追攝即仰一  
面具此因依回報差來使者但稱已准驅邪  
院指揮拘留即不得一例勾取仍委自司命  
五道等神分明告知無令損失人命須議指  
揮

右劄付行瘟使臣准此

某年月日

押

斷絕傳屍勞鬼所式

北極驅邪院 牒上 東嶽某案

准 貴嶽差到神將報應解鬼神以此言為某處

某乙患某事服藥作善消穰未退稱有傳屍勞鬼纏繞勾連無由安樂急須披告乞

對十

賜救護者

牒當院已於某乙家建立天獄及具狀奏

聞外伏請

指揮差神將同本屬城隍將吏司命五道神眾立便往本人身一追取應係作禍邪鬼并

傳屍復連之鬼速押赴天獄顯見蹤跡守待  
施行仍下地府候當院罷獄結斷了日即依  
品例於生界托化無致勾連謹牒

某年某月某日牒

具法師全銜姓

押

轉牒行往逐處經由道路式

北極驅邪院

轉牒自某州某縣某路界山

林道路

當院今月某日某時起發往某處千繫某  
事自當所至某處通計多少里數切慮地

祇等不知當院出入兼道路所隱虎狼鬼  
物及邪精侵害須至專行轉牒者

牒具如前今牒某州界自此州至某處一路  
逐程山林符廟泉源窟穴陂池之所本屬地  
祇社廟靈祠等准此指揮常切鈐轄郭下所

統鬼神邪精務要潛息不得當截道路有妨  
當院往還經遊應係轄下鬼神當令在路嚴  
切祇候當院使役不得輒然怠慢如稍有違  
應係道路承受指揮等靈祇立當申送

泰山重行勘斷的不虛行故牒



太歲某年某月 日 時牒

朱批事因依

具法位姓

押

右發此一道差本處土地齋行逐程轉迹

帖土地等神拘管鬼邪式

對十

十

北極驅邪院

帖某處土地司命五道合干

等靈紙

當院據某家狀稱某月日具述事件鬼神

千變萬化妖怪山精五通群鬼作陣無術

制伏並須子切慮向去及目下別致人命

細開坐

須議專行指揮者

右帖付前項某處土地司命五道等神准此  
指揮看覩見患人是何鬼邪因何動作致此  
變化興禍生民應係出入經遊地分一面把  
截不管走失已牒本屬城隍更差神將同共  
收捉須管敗獲伺候當院到來置獄勘問因  
依別有行遺如稍有走透及不公其地分干  
繫等神立當具同罪因依

聞奏送

泰山決配施行不管時刻住滯

太歲某甲子某年某月某日帖

下朱批

具法位

押

右向土地當面發遣如地遠差神將或日  
直功曹將去叮嚀指揮或要發遣便內說

對十

十一

發遣前去要令人顯現知委次牒城隍

牒城隍救治式

北極驅邪院

牒

某處城隍

當院據州縣鄉里居住某人投狀稱為某

事便須子細說事不得漏落須議專行公

文者

牒具如前當院據本人情理具狀申

東嶽外事須牒本屬某處城隍候到請詳前

項牒內事件徑差神將帶領合要吏兵就往

某處某家如置獄真言差神將勘問如起發  
言起發某家邪源候勅格斷遣者

勘會問為禍邪源從初因依勒令在獄顯現

本相蹤由以待別作行遣謹牒

太歲 年 月 日 時 牒

下朱批

具法位

押

牒送邪祟赴城隍式

北極驅邪院 牒 飛處城隍

當院據某州縣居住某人投狀稱某人患何疾及鬼邪等當院今住本處勾問遂得前項某人身中鬼邪招伏因依其所說

須至專行公牒就彼所斷遣者准

勅條諸鬼神

具因依開坐  
條貫斷遣

牒具如前事牒

某處城隍候到請依降

勅條依公斷遣訖請牒

五道都案物收仍請報應施行謹牒

太歲 年 月 日 時 牒

下朱批

具法位

押

牒城隍及隣近神祠假借神將吏兵

對十

十二

北極驅邪院 牒 某廟靈祠

當院據某州縣鄉里某入狀投稱有某事

當院今看詳得狀內事理次第顯現有鬼

神如此動作 具述狀內 今當院合用下項

子納事理

兵吏等須至專行假借神將某員神兵某  
千須至公牒者

牒具如前除當院具耿飛奏乞降

勅命指揮外事須牒某處靈相候到請詳前  
項牒內事由徑差大將管押神兵某千赴某

方上建壇之所會集收捉妖怪仍叮嚀指揮  
差來神將依例管押前來赴當所究氣搜捉  
邪精鬼賊伺候了日別具公文開坐申

奏推行賞秘牒

太歲 年 月 日 時 牒

下朱批

具法位

押

匱蓋奏狀式

具全銜臣姓某

右臣某據國號某州縣某人狀投稱將帶

對十

十三

家眷等慮向去各人行年不正別受災厄

防保無門乞賜匱蓋覆護願獲平寧臣遂

依式將某人等共計幾人年命於本家某

方上下匱蓋申寄

北斗七王宮并申泰山計會本屬州縣城



隍同差神將干繫等神巡護係隳蓋人口  
一年之內管獲平安無諸災禍候年終滿  
日別行開隳蓋今具某人等年命寄隳蓋  
官分如後一人弟子某本命甲子某月日  
時生寄入

北斗第一貪狼天門王宮

六十甲子生點  
筭屬甚星次第

寄臣以依前項施行訖外謹具狀飛奏伏

乞

太清大帝

祖師上清大帝



玉清上帝

天恩特降

勅命指揮許依臣所奏施行冒瀆

聖聰臣誠惶誠恐稽首頓首死罪謹奏

太歲年月 日全銜臣姓某

狀奏

申北斗七王宮狀式

北極驅邪院

當院據國號某州縣某人狀投稱將帶家眷深慮各人此去年庚不正別受災厄乞賜贖蓋衛護願獲平寧當院遂依式將某

人年命於某處方下贖蓋具事由飛  
奏并申泰山請計會本屬城隍差神將同  
干繫等神巡護係贖蓋人口一年之內管  
獲平寧無諸災禍今具某人等年命寄贖  
蓋宮分如後

對十

一人弟子某本命丑亥生行年幾歲寄

十四

入北斗巨門少卿王宮

右具如前當院已具前項事理施行去訖謹  
具狀申

北斗七王宮伏乞

聖慈特降  
恩命指揮謹錄狀

上謹狀

太歲年月 日全銜姓 某 狀

一 申泰山請神將來防護闕蓋狀式

北極驅邪院

當院據國號某州縣某人狀投稱將帶家眷慮恐各人行年不正運值災星別受災厄無門防保乞賜闕蓋衛護各人身命一年之內乞獲平寧無諸橫禍願賜清吉候



年終滿日別具醮禮開闔上答

天恩者

右具如前除當院已依式於甚處某方上建  
立醮蓋一座具狀飛奏及申寄  
北斗七王宮分外謹錄本人事由申

對十

十五

東嶽天齊仁聖帝伏乞

指揮計會本屬州縣城隍大王抽差有心力  
能勾當威雄大將各一員先請取索差來神  
將結罪事狀入案後便請疾速發遣前來某  
處某人家同住宅家神司命五道土地十二

禁忌干繫等神不住日夜常切巡護係屬六五  
人口幾名一年之內管獲平寧無諸災咎出  
入清吉動止安居候年終滿日別具醮禮開  
廳答謝

聖恩及乞指揮州縣城隍常切就便四季提  
舉無致紳將等怠慢容庇邪道與民爲害如  
稍故違便請檢錄元狀施行所貴邪道靜絕  
民庶安居然乞某等今去身庚通泰運限光  
明永遠康寧不逢災難謹錄狀

上謹狀

太歲年月

日全銜姓

某

狀

開贖發遣神將牒式

北極驅邪院

當院先於某年月日具狀申

泰山請計會貴廟據差來神將在某家防

護係贖蓋人口即無闕事今來年限過滿

須至發遣者

牒具如前當院今據檢會前項神將在某人  
家防護係贖蓋人口即無闕事除已帖元差

來神將回還外謹錄回牒報

聞候到請

指揮收入本直仍舊管役謹牒

太歲 年 月 日牒

具法位全銜姓

替統兵助法神將兵衆式

對十

十六

北極驅邪院

當院先於某年月日具狀申

貴嶽抽選到統兵助法二員神將部轄神

兵一千前來輔佐行持道法助國救民治

病除妖勦邪立正今已一年當滿須至專

押



行替換者

右具如前當院今檢會神將二員神兵一千  
在當院指使並無闕事謹具狀申

東嶽泰山天齊仁聖帝伏乞

指揮選差足神通有威力神將二員一員充

統兵神將一員充助法神將神兵一千前來

當院對替元差來神兵乞賜先取下神將結

罪事狀入案後乞指揮日後專切隨逐當院

出入輔佐行持

道法一一稟聽指揮使喚凡是收擒邪祟勦

截民禍之際各仰大逞威力顯現神通收擒  
凶惡如王民疾患速令平復即不得時暫輒  
離左右無令神兵怠慢候年滿日別行替換  
并仰神將到日分明影響報應以憑拘管無  
令有失規儀謹錄狀

對

十七

上謹狀

大歲年月

日全銜姓

某

狀

設祭吏兵曉示式

北極驅邪院

當院取今月日時賞設嶽下差來統兵助

法神將神兵一千或當替者酒食錢馬為如

人行事即具施齋設者主名云齋設者

右具如前事須曉示前項神將兵衆各令知

委至時齊集無令有失規儀

某年月日

具半銜

押

諸神司合用牒帖引劄目

五嶽聖帝法師請乞事用申本院用牒沿路

土地傳遞公文用引帖

地府水府主者並當院用關牒年直功曹傳

逆文字用關引帖六丁城隍太歲並用牒關  
當界土地本家司命用引帖劄子指揮  
名山福地文字並關六甲六丁通進  
監守鬼神用東嶽神將  
廣脫亡魂牒地獄道

計會久病牒天曹案

舉行功德牒校量案

計會鬼神牒五道都案

計會大厄牒生證見案

遷陟功德牒司命添祿壽案



勾卒死人牒張都案判官

傷寒難得汗牒發汗案

陽道受罪牒傳錄事

傷寒難得解牒發汗案

計會壽數牒注命案

對十

放生計會牒生命案

死經三日未冷絕牒還魂案

赦罪計會地府案判官

計會道經數牒鬼仙案

亡財失帛計會掠剩案

十六



乞資筭數牒短命案

亡過資薦功德牒地府保形案

見在功德計會天道案

計會年病牒行病案

計會生死牒蒿里都案

人口併沒牒李都案判官

計會亡人牒六道內案

凡注福注壽天上授福司命注祿夫壽祿添  
財帛等並須酌量事理輕重條制可否方可  
與行遣計會凡刀山鑊湯灰河劍樹拔舌磨



確等獄判官亦看生存行何德行方可施行  
仍須詳度品秩高下公文務合宜則

凡文官七品已上並屬天曹霍判官武官七  
品已上並屬天曹李判官

四瀆水帝

九江水帝江瀆廣源王

九江水帝河瀆靈源王

淮水上相淮瀆長源王

濟水上卿濟瀆清源王

太上助國救民總真祕要卷之十 終





